

Gelatèe

Cul tricicul de' gelati in so la via, aspetava de vent la sua garansia,
parigina e palèta, per serve i pusèe esigent, una frescura estiva,
per avèga quater ghej, pretess ga n' era no, sa ciàpava quel che ghera.

Dipendiva dal tricicul, a duu o quater gost, e certi volt anca pusee,
una camera stagna, picinina, la furmava al deposit dè' l giass,
per vèga sempar fresch sto birucen, una lampada cunt petroli,
là vutàva al laurà anca de nocc, per i pasegiat d' innamoraa.

La preparasion l' era fada in maniera artigianal, una special buntà,
la fantasia l'era verament granda, per atirà l' atension di client,
gh'era anca quej cunt la granita, trja giass per una doppia frescura,
i bagaj eran quej che basturlavan, per sagià un gost de gelato.

Al gh' era al so segnal preferii per riciamà l' atension, una campanela,
altrimenti una trumbèta, l' era la maniera de fass capee,
de solit al sa truava nela piasa principal, in riva al mar, o visen a lac,
l' era semper una bèla simpatia, quater ball de cialugà,

quater ghej de pagament, e gustà so una banchèta la delisia del gelatèe.

Certi volt sa pudiva vega anca un limon cunt una steca de liquiresia,
per i bagaj una maniera de diventà verament mustulent,
un laurà estiff, ma al fascin l' era irresistibil.....

Al de d' inco, i neut di ier, che adess in noni.....

ricordan cunt tristèsa e nustalgia, quant cuntentan i so neut,
daj oeucc ma vegio una lacrima...nel ricurdà qant a seri mustulent.

19-10-2017